

Foschini Retail Group (Pty) Ltd NCRCP 36
Ditlhoko le dipheho tsa tswaelo tsa
diphumantsho tsa sekoloto

Foschini Retail Goup (Pty) Ltd e hwebang ka
mabitsa a: @home, @homelivingspace,
American Swiss, Donna-Claire, Duesouth,
Exact!, Fashion Express, Foschini, Luella,
Markham, Matrix, sportscene, Sterns le
Totalsports.

Nmr ya ngodiso 1988/007302/07, Stanley
Lewis Centre, 340 Voortrekker Road, Parow
East, 7500

Mofani wa ditshebeletso tsa ditjhelete ya
dumeletsweng. Nmr ya NCRCP 36.
Nmr ya VAT 4210187250

Ikopanye le basebetsi ba lebenkele ho fumana foromo ena ka dipuo tsa SeAfrikanse, SeXhosa le SeEsemane.

1. Ditlhaloso

Ditlhokong le diphehlong tsena, ntle le moo
tlhaloso e bontshang ka tsela e fapaneng:

1.1 Molao: o bolela Molao wa Naha wa
Dikoloto, nmr 34 wa 2005, le Melawana, le
dihlomathiso;

1.2 Ditsiane tsa Akhaonto: di bolela
sehlahiswa sa boikgethelo se fanang ka
tshireletso ya karete, tshireletso ya lefu le
tefello ya akhaonto ka bottlalo bakeng sa tefiso
ya kgwedi le kgwedi.

1.3 Tumellano, Tumellano ya Sekoloto,
Phumantsho ya Sekoloto, Phumantsho,
Karete kapa Akhaonto: e bolela Tumellano ya
sekoloto dipakeng tsa hao le rona e
kenyeletsang Khoteishene ya Sethathong le
Ditsebiso tsa Phatlalatsa mmoho le Ditlhoko le
Dipheho tsa Karete le Phumantsho ya
Sekoloto tse sebetsang nako le nako;

1.4 Kopo kapa ho etsa kopo: ho bolela ha o
etsa kopo ho rona bakeng sa Phumantsho ya
Sekoloto, ekaba ho le leng la mabenkele a
rona, kapa webosaeteng ya rona mme e
fetisetswang ka tsela ya elektroniki ho rona.

1.5 Moedi wa Sekoloto: o bolela bophahamo
bo dumeletsweng ba tjhelete ya sekoloto boo
ka hodimo ho bona Foschini e sa tlo dumella
keketso efe kapa efe ya Kobo ya Sekoloto.

1.6 Morero wa Bajete: (moo ho hlokehang)
obolela merero ya tefo ya dikgwedi tse 12, 18
le 24 eo kaofela e lefisiwang tswala.

1.7 Karete: e bolela Karete ya Akhaonto e
fanwang ke rona ho wena bakeng sa
boitsebiso ba hao le tsebediso e le hore o
fihlele Phumantsho ya Sekoloto;

1.8 Dihlapiso tsa Tlelapa: di bolela sehlahiswa
sa boikgethelo se kenyeletsang botho ba
Tlelapa boo tefiso ya kgwedi le kgwedi e
lefisiwang mme boo letoto la ditsiane tsa tsona
le fumanehang ho kenyeletswa tshireletso ya
lefu, tefo ya akhaonto ka bottlalo, thuso ya tsa
molao, mohala wa thuso ya tsa bophelo le
makasine ya kgwedi le kgwedi ya Tlelapa.

1.9 Foschini: e bolela Foschini Retail Group
(Proprietary) Limited, nomoro ya ngodiso
1988/007302/07 ya Stanley Lewis Centre, 340
Voortrekker Road, Parow East, 7501, e leng
Mofani wa Ditshebeletso tsa Ditjhelete ya
Dumeletsweng, le lekala lefe kapa lefe le
hwebang la Foschini, kapa motho eo e
fetisetsang ditokelo le maikarabelo a yona ho
yena tlasa Tumellano ena mme e kenyeletsa
Fashion Retailers (Pty) Ltd bakeng sa
Namibia.

1.10 FGRR: e bolela Foschini Group
Reference Rate, e leng sekqahla sa tswala se
lekantsweng ke Foschini nako le nako.

1.11 Morero o Dikolohang: o bolela morero wa
Phumantsho ya Sekoloto wa "kotlolo" (straight)
o lefuwang ka nako ya dikgwedi tse 6.

1.12 Tefiso ya tsebeletso: e bolela tefiso ya
kgwedi le kgwedi e lefisiwang Akhaontong ya
hao bakeng sa tsamaiso ya tswaelo le ho
tswellelisa Akhaonto ya hao.

1.13 Kobo ya Sekoloto: e bolela tjhelete ya
sekoloto eo boemong ba yona Foschini e tla
dumella Phumantsho ya Sekoloto ho wena ho
sebetswa.

1.14 Rona, ya rona: e bolela Foschini e leng
mofani wa sekoloto, le moo ho lokelang,
dikhampani tsa mahokela tsa rona kapa tse re
okametseng, dikhampani dife kapa dife tsa
lehokela la dikhampani tse re okametseng le
motho ofe kapa ofe eo re fetisetsang ditokelo
le ditlamoho tsa rona ho yena tlasa Tumellano
ena.

1.15 Wena: e bolela moamohedi wa sekoloto,
e leng mong'a Karete.

2. Kopo le Tumellano

2.1 Ka ho etsa kopo ho rona, o amohela ho
kena tumellanong. Ha re na tlameho ya ho
amohela tumelo ya hao.

2.2 Tumellano ena e tla kenelwa ka letsatsi lo
o saenelang kamohelo ya Karete. Ka ho
boloka le ho sebedisa Karete ya hao, o
amohela ditlhoko le dipheho tsa Tumellano
ena.

2.3 Haeba ho etsahala hore Tumellano ena e
hlomathiswe, se(di)hlophathiso se jwalo se tla
sebetisa ka letsatsi la tsebediso ya pele ya
Karete ya hao leo sehlophathiso seo se
entsweng ka lona, ha sekoloto se behelanwa
tlasa dipheho kapa ditlhoko tseo tse
hlomathisitsweng mme tshaeno ya hao e tla
tiisa hore o dumela ditlhoko tseo tse
hlomathisitsweng.

2.4 Kopo efe kapa efe e laolwa ke mokgwa wa
tsebetso wa rona bakeng sa dikoloto le
dipheho tsa ho fanwa ha sekoloto tse
boletsweng Molaong. Re na le boikgethelo ba
ho hana kopo ka nako efe kapa efe, ho
lekanya tjhelete efe kapa efe ya sekoloto le ho
fokotsa tjhelete efe kapa efe ya sekoloto.

2.5 Kopo ya hao e tla sekasekwa ho latela
tlhahisoleseding eo o fanang ka yona ho rona.
Tlhahisoleseding yohle e tlameha ho ba nnete,
e nepahale le ho nepisa mme e felle.

2.6 O tlameha ho ba le matla a hlokehang a
molao ho kena le ho tlangwa ke ditlhoko le
Dipheho tsena. Re ka hloka ho fumana bopaki
ba boitsebiso.

2.7 Haeba re kgetha ho o fa sekoloto, taba ya
hore re kene Tumellanong le wena hana jwale
ha e bolele hore re tla etsa jwalo hape le
kamoso. Re na le tokelo ya ho hana ho kena
ditumellanong dife kapa dife tse ding hape le
wena. Re na le tokelo ya ho hula Phumantsho
ya sekoloto mme re kwale Akhaonto ka nako
efe kapa efe.

2.8 Ditokomane tsa rona tsa mebaraka le
dikhoteishene di bontsha boleng ba ditfello
tseo e leng boleng bo mpang bo supa feela.
Boleng bona bo sebeditswe ka tsela e kang
tjhelete e feletseng ya sekoloto e
sebedisitsweng ka letsatsi le qalang mme ya
lefuwa nakong e supilweng. Khoteishene ya
rona e bontsha ho sebetswa nakong ya
dikgwedi tse 12. Haeba o ka kena tumellanong
le rona, tefello ya nnete ya hao ya kgwedi le
kgwedi e tla ipapisa le balanse se setseng
Akhaontong ya hao mmoho le ditlhoko tsa
tefello tse kgethilweng ka nako ya theko.

2.9 Phatlalatsa ya tumellano ya sethathong le
(di)tsebiso tsa khoteishene di tla fanwa ho
wena lebenkeleng; kapa di fetisetswe ho wena
ka tsela ya elektroniki kamora kopo ya hao ya
webosaeteng.

2.10 Hang ha o amohela Tumellano ya
mongolo, o tlameha ho e saena ka pene mme
o netefatse hore o e beha sebakeng se
bolokhileng.

2.11 Hang ha o amohela Karete ya hao o
tlameha ho e saena ka bolepepe.

2.12 Ke wena feela motho ya ka sebedisang
Karete ya hao mme o ke ke wa e fetisetsa ho
motho mang kapa mang o sele kapa wa
dumella motho mang kapa mang o sele ho e
sebedisa.

2.13 Ke feela thepa e bolokilweng matsatsi a
supileng le ho feta, e tla nkuwa e rekiwe.

3. Diaterese

3.1 Aterese ya tulo eo o re fileng yona ha o
kena Tumellanong ena (mme ka tsela eo e
hlahang Tumellanong ena) ke aterese eo o e
kgethang hore ditsebiso tsa molao le
dingoliano dife kapa dife tsa legotla di ka
romelwang ho wena ka yona (e leng se
bitswang aterese ya hao ya "domicile").

Aterese ya hao ya poso (ekaba ya tulo, ya
poso kapa ya elektroniki) e tla sebediswa ho
romela disetatemente, ditsebiso le
dikgokahano tse ding. Haeba o fallela
atereseng e nngwe ya bodulo, kapa o batla ho
fetola aterese ya hao ya poso kapa o batla ho
re fa tsebiso efe kapa efe; o tlameha ho re
tsebisa nomorong ena ya rona ya boikopanyo
0860 576 576 kapa ka tsela ya imeile ho
customer_services@retailcredit.co.za kapa o e
posetse ho P.O. Box 6020, Parow East,
7500. Haeba o fetola aterese ya hao, phetolo
ena e tla sebetisa feela matsatsi a 7 (supileng)
kamora hore re amohela tsebiso ya hao.
3.2 Haeba re batla ho fetola aterese ya rona
ya molao "domicile", le rona re tla o fa tsebiso.

4. Ka moo o lokelang ho sebedisa Karete ya hao

4.1 Ka ho saena Karete ena le ho kenya
tsebetso Phumantsho ya Sekoloto, o
amohela ditlhoko le dipheho tsohla tsa
Tumellano ena.

4.2 O ka sebedisa Karete ho kaha thepa le ho
fumana ditshebeletso ho tswa lebenkeleng
lefe kapa lefe la rona mme o tlameha ho
saena vaotjhara ya dithekisetso lekgetlo le
leng le le leng ha o sebedisa Karete ya hao.
Rona re tla lefisa Akhaontong ya Sekoloto ya
hao boleng ba ditheko tsena. O ke ke wa reka
Akhaontong ya hao ntle le haeba o fana ka
Karete ena lebenkeleng. Ha o saena vaotjhara
ya ditheko o netefatsa kamohelo le nehelano
ya thepa ho wena.

4.3. Haeba o sa nke Ditsiane tsa Akhaonto,
sena se bolela hore ha o na ditsiane bakeng
sa Tshireletso ya Karete e Lahlehileng.
Bakeng sa ditsiane tsa sena, ho na le
Tumellano e kathoko ya tokollo.

4.4. Haeba Karete ya hao e lahleha, e utsuwa
kapa e sebediswa ka boqhekanyetsi mme o se
na Ditsiane tsa Akhaonto, o tlameha ho re
letsetsa hanghang nomorong ya 0860 576
576.

4.5. Haeba kamora hore re fuputse taba ena,
re fihlela qeto ya hore ha o a etsa ditheko tse
bolelwang, o ke ke wa jara boikarabelo ba
ditheko tseo tse entsweng kamora hore o
tlalehe Karete ya hao e lahlehileng, e
utswitsweng kapa e sebedisitsweng ka
boqhekanyetsi.

4.6. O tla lokela ho lefa tefiso ya phumantsho
ya Karete e njha.

5. Ho hlakola Karete

Karete ya hao kamehla e tla dula e le thepa ya
rona mme, ntle le ho lahlehelwa ke tokelo efe
kapa efe ya rona ya ho tleleima kgahlanong le
wena, re na le tokelo, ka nako efe kapa efe, ho
hlakola kapa ho kopa hore o kgutlise Karete
ya hao.

6. Tjhelete ya Sekoloto Phumantshong ya Sekoloto ya Hao

6.1 O ke ke wa etsa ditheko tsa thepa efe kapa efe ka Karete ya hao, tse tla baka hore Kabo ya Sekoloto Phumantshong ya hao ya Sekoloto e tlole..

6.2 Haeba o batla ho fumana keketso ya nakwana Kabong ya Sekoloto ya hao ho lefella ditheko dife kapa dife tse tloletseng Kabo ya hao ya Sekoloto, o tla re tsebisa ka sena hore se rekotwe le hore Kabo ya Sekoloto e kgone ho eketswa nakwana.

Keketso e jwalo ya nakwana e tla ba bakeng sa nako e behetsweng moedi feela mme kamora tefo ya tjehelele eo, Kabo ya Sekoloto ya hao e tla fokoletswa ho moo e neng e le teng pele keketso ya nakwana e ka fanwa. Keketso e jwalo e tla ba ka boikgethelo bo phethahetseng ba Foschini, mme o tla bontsha kamohelo ya hao bakeng sa keketso e jwalo ka ho saena invoese ka nako eo e etsang theko.

6.3 Re na le tokelo ya ho fokotsa, ho fetola kapa ho hlakola Phumantsho ya Sekoloto le/kapa tjehelele efe kapa efe ya sekoloto e fanweng Akhaontong ya hao.

6.4 Haeba o batla ho ba le tshwaneleho e iketsang bakeng sa keketso ya selemo le selemo ya Kabo ya Sekoloto le/kapa Moeding wa Sekoloto, o tlameha ho re tsebisa ka mongolo. Haeba o kgetha ho amohela keketso e iketsang ya selemo le selemo, re tla tswela pele ho hlahloba botjha sekoloto sa hao selemo le selemo mme re ka o fa keketso ya selemo le selemo ho latela Molao.

6.5 Tjehelele e amehang bakeng sa sekoloto nako le nako, le ditjehelele tse fumanehang hore o ka di sebedisa bakeng sa ditheko, e tla bontshwa setatementeng sa hao sa kgwedi le kgwedi.

6.6 Re na le tokelo ya ho etsa dipatlisiso ho biro ya dikoloto le ho hlahloba bokgoni ba hao mabapi le keketso efe kapa efe Akhaontong ya hao, Phumantshong ya Sekoloto kapa tjeheleteng ya sekoloto boemong bofe kapa bofe.

6.7 Moedi wa Sekoloto wa Phumantsho ya hao e tla ba Kabo ya nnete ya hao ya Sekoloto moo moedi wa wona o tlamehang ho o sebedisa Phumantshong ena.

6.8 Keketso efe kapa efe e Kabong ya hao ya Sekoloto e ke ke ya feta Moedi wa Sekoloto o dumeletsweng. Leha ho le jwalo, o ka etsa kopo bakeng sa keketso, eo tumello ya yona e tla ba ka boikgethelo bo phethahetseng ba Foschini.

6.9 Haeba maemo a hao a tsa ditjehelele a fetoha kapa o ka fellwa ke mosebetsi kapa moputso wa hao wa fetoha, o tlameha ho re tsebisa, setsing sa rona sa boikopanyo ka tsela ya imeile, kapa ka poso, jwalo ka ha ho hlalositse ho 3.1, kahodimo mona.

7. Phetolo ya Diphelelo tsa Tshebediso

Re ka fetola, ra hlakola, ra tlosa kapa ra eketsa ho, diphelelo dife kapa dife tsa tshebediso ya Karete ena mme haeba re etsa jwalo re tla o tsebisa ka sena ka ho romela diphelelo tse na atreseng ya hao ya poso, pele di ka qala ho sebetsa. Haeba o tswela pele ho sebedisa Karete kamora tsebiso eo, diphelelo tse ntjha tsa tshebediso di tla shebediswa.

8. Ditsiane tsa Akhaonto le Ditsiane tsa Tlelapa

Ditsiane tsa Akhaonto

8.1. Ditsiane tsa Akhaonto di bopilwe ka tshireletso ya karete e lahlehileng, tshireletso ya lefu le tefo ya sekoloto ka ho phethahala. Tshireletso ya lefu le tefo ya akhaonto ka bottalo ke dihlahiswa tsa inshoreense. Ho sa qhelelwe thoko temana ya 20.14, tsebiso e kathoko ya pholisi le phatlalato e a ameha bakeng sa dihlahiswa tse 2 tsa inshoreense, mme e a o tlama, ho tlatsetsa tumellanong ena. Sena se fana ka dintlha tse mabapi le hore na ditsiane di ka tleleingwa neng, ke mang, le hore jwang.

8.2 Leha tshireletso ya karete e lahlehileng e le karolo ya Ditsiane tsa Pholisi, ha e a hlalosa Tumellanong ena hobane ke tumellano e ka thoko dipakeng tsa hao le Foschini. Ha se sehlahiswa sa inshoreense.

8.3 Haeba o sa nke Ditsiane tsa Akhaonto, mme Karete ya hao e lahleha, e utsuwa kapa e sebediswa ka boqhepanyetsi, ka kopo sheba ditemana tsa 4.3 ho filha ho 4.6.

8.4 O tiisa hore o fuwe bolokolohi ba ho kgetha le ho amohela phano kapa tlhahiso ya hore o nke Ditsiane tsa Akhaonto. Ha o a tlamellwa ho etsa jwalo mme o ka qhelela thoko phano kapa tlhahiso ena.

8.5. Ditsiane tsa Akhaonto ke sehlahiswa sa tlatsitso sa boiekgethelo.

8.6. Tshireletso ya lefu le tefello e feletseng ya sekoloto:

8.6.1 Mona Afrika Borwa, Guardrisk Insurance Company Limited, Nmr ya FSP 75, e fana ka tiisetso ya ditjehelele bakeng sa tshireletso ya inshoreense. Namibia, Alexander Forbes Insurance Company Limited e fana ka tiisetso ya ditjehelele bakeng sa tshireletso ya inshoreense.

8.6.2 Haeba o ka shwa:

8.6.2.1 tjehelele e sa feteng R2000 e tla lefuwa akhaontong ya hao bakeng sa fetello ya balanse e setseng eo o re kolotang yona, bakeng sa lefu le hlalileng ka kotsi haeba o le dilemo di ka tlase ho 40, le bakeng sa sesosa sefe kapa sefe sa lefu haeba o eshwa o le dilemo di kahodimo ho 40; mme

8.6.2.2 R2000 e tla lefuwa bakeng sa lefu le bakwilweng ke kotsi haeba o shwa o le dilemo di ka tlase ho 40, kapa R2000 e tla lefuwa bakeng sa sesosa sfe kapa sefe sa lefu haeba o eshwa o le dilemo di ka tlase ho 40.

8.7 Haeba kamora hore tefo e boletsweng ho 8.6.2.1 kahodimo mona e etswe, ho sa ntse ho na le balanse e setseng Akhaontong ya hao, lefa la hao le tla lokela ho lefa balanse eo.

8.8 Haeba tefiso ya Ditsiane tsa Akhaonto tsa kgwedi le kgwedi e sa lefuwa kgwedeng eo e lokelang ka yona, nako ya mohau ya matsatsi a 15 e tla dumellwa bakeng sa tefo, mme haeba tefo ena e sa etswe nakong ena ya mohau, tshireletso tlasa pholisi ena e tla kgaotsa.

8.9. Tumelo ya hao hore re ka lefisa le ho bokelelsa tefiso (jwalo ka ha ho boletswe setatementeng sa hao sa kgwedi le kgwedi) ho tswa Phumantshong ya hao ya Sekoloto e tla sebetsa, mmoho le pholisi ya inshoreense le tsebiso ya phatlalato. Sena se bolela hore tswala e ka lefiswa hodima tefiso moo morero wa tefo wa Phumantsho ya Sekoloto o tla bokelelsa tefiso ya tswala. Tswala e nkuwa ke rona le ho lefiswa ka sekgahla se tshwanang le sekgahla sa Phumantsho ya hao ya Sekoloto.

8.10 Dihlapiso tsa Tlelapa:

8.10.1 Dikarolwana tse pedi tsa inshoreense tsa Dihlapiso tsa Tlelapa ke tefello e feletseng ya akhaonto le tshireletso ya lefu.

8.10.2. Dintlha tsa 8.1, 8.4, 8.6.1 le 8.7 hape di sebetsa bakeng sa Ditsiane tsa Tlelapa; di balwa e le "Ditsiane tsa Tlelapa" moo "Ditsiane tsa Akhaonto di hlaleng.

8.10.3 Haeba o ka shwa:

8.10.3.1 tjehelele e sa feteng R1500 will e tla lefuwa Akhaontong ya hao bakeng sa tefo ya balanse e saletseng eo o re kolotang yona; mme

8.10.3.2 tshireletso ya lefu ya R2000 e tla lefuwa.

8.10.3.3 Haeba kamora tefo e boletsweng ho 8.10.3.1 e etswe, ho sa ntse ho na le balanse e setseng Akhaontong ya hao, lefa la hao le tla lokela ho lefa balanse eo.

8.10.4 O ka kgetha ho lefiswa botho ba Tlelapa ha Akhaonto ya hao e na le lefeela kapa balanse ya sekoloto.

8.10.5 Tefiso e lefuwang bakeng sa Dihlapiso tsa Tlelapa e ka bokelelsa tswala moo morero wa tefo o bokeletsang tswala; tswala e jwalo e tla nkuwa, mme e lefiswa ka sekgahla se lokelang bakeng sa Phumantsho ya Sekoloto.

8.11. Moo Phumantsho ya Sekoloto ya hao e emisitweng ka lebaka la dinyewe tlasa Molao ona, ha ho tefiso e lefisitweng Ditsianeng tsa Akhaonto le / kapa Ditsianeng tsa Tlelapa e tla wella.

9. Setatemente

9.1 Disetatemente di tla poswa kamehla mme di tla romelwa ka imeile ha kopo e entswe. Ho seng jwalo, o ka sheba disetatemente tsa hao inthaneteng ka ho ngodisa ho

www.retailcredit.co.za. disetatemente di tla -

9.1.1 bontsha dikgwebisano tse mabapi le Akhaonto ya hao;

9.1.2 bontsha tjehelele e lokelang ho lefuwa ka nako eo;

9.1.3 bontsha tswala yohle le ditefiso tse ding, (ho keneletswa Ditsiane tsa Tlelapa le Ditsiane tsa Akhaonto) tse lefisiwang ke rona Akhatontong ya hao;

9.1.4 bontsha ditfello tsohle tse entsweng mmoho le balanse e setseng; le

9.1.5 ho o tsebisa ka tjehelele eo o tlamehang ho re lefa yona pele kapa ka letsatsi le behilweng setatementeng, bakeng sa morero ka mong.

9.2 Ke boikarabelo ba hao ho hlahloba setatemente sa hao. Ntle le haeba o re tsebisitse ka mongolo, nakong ya matsatsi a 30 (mashome a mararo) ho tlaha ka letsatsi la ho hlaha ha setatemente sa hao, hore o hana boikarabelo bakeng sa tefiso efe kapa efe e hlang setatementeng sa hao, o tla nkuwa o jara boikarabelo ba ho e lefa ka hona.

9.3 Ho se amohela setatemente ha ho o lokolle tlamehang ya hao ya ho lefa tjehelele efe kapa efe eo o lokelang ho re lefa yona, kaha o ka fumana tlhahisoleseding e mabapi le Akhaonto ya hao, ho tswa ho rona, ka mohala, kapa lebenkeleng lefe kapa lefe.

10. Tefo, Tefo ka Bottalo le Phediso

10.1 O tlameha ho lefa bonyane bo lokelang ho lefuwa, jwalo ka ha ho boletswe setatementeng sa hao, ka letsatsi le behilweng. Re na le boikgethelo ba ho etsa qeto ya hore insolemente ke bokae.

10.2 O ka re lefa tjehelele efe kapa efe eo o re kolotang yona ka nako efe kapa efe.

10.3 O ka re fa debite otara bakeng sa ditefo tsa hao kgwedi le kgwedi le ditjehelele tse ding tse lokelang ho lefuwa ke wena ho rona ho latela Tumellano ena.

10.4 Hape o ka lefa tjehelele e lokelang ho lefuwa:

10.4.1 lebenkeleng lefe kapa lefe la Foschini; kapa

10.4.2 ka tsela ya phetiso ya tjehelele ya elektroniki; kapa

10.5 haeba o hloleha ho lefa tjehelele e lokelang ho lefuwa kapa o hloleha ho ikamahanya le diphelelo dife kapa dife tsa Tumellano ya hao kapa haeba lefa la hao le phethiswa ka molao kapa haeba o eshwa kapa o ka etsa ditlaleho tse seng nnete kapa o hloleha ho fana ka tlhahisoleseding e mabapi le Tumellano ena kapa nakong ya kopo ya hao, kapa o ka etsa eng kapa eng e ka behang kotsing ditokelo tsa rona; teng -

10.5.1 ditjehelele tsohle tseo o re kolotang tsona di tla lokela ho lefuwa hanghang; mme 10.5.2 ntle le ho jara boikarabelo ba letho tabeng eo, re ka tsebisa motho ofe kapa ofe eo re nahanang hore o tlameha ho tseba ka sena; mme

10.5.3 Karete ya hao e ke ke ya hlola e ka sebediswa.

10.6 Mokgwa wa tefo oo o kgethang o tla etswa ka boikarabello ba hao bakeng sa kotsi e ka bang teng empa tefo efe kapa efe e tla be e entswe ka tshwanelo ha re e amohetse le ho e sebetsa.

10.7 Re tla nka ditefo tse entsweng ke wena ho re di entswe le ho lefuwa ka letsatsi leo re amohelang tefo e jwalo ekaba ofising ya rona kapa lebenkeleng mme ditefo di tla ka tlhopho e latelang:

10.7.1 bakeng sa tefo ya tswala; mme kamora mona

10.7.2 bakeng sa tefo ya ditefiso le ditefello; le qetellong

10.7.3 bakeng sa tefo ya sekoloto sa sehlooho.

10.8 O ka fedisa Tumellano ena ka nako efe kapa efe mme haeba o lakatsa ho etsa jwalo, o tlameha ho re fa tsebiso ka mongolo, e nehelanwang ho rona ka letsoho, ka fekse, imeile kapa ka poso e rejistarilweng. Haeba o batla to fedisa Tumellano ena, o tla lokela ho lefa tjehelele yohle e setseng eo o re kolotang yona.

10.9 Re ka fedisa Tumellano ena haeba o hloleha ho ikamahanya le ditlhoko le dipheho tsa yona.

11. Dikgahla tsa Tswala le tse ding

11.1 Ho ipapisitse le dipheho tsa Molao, re tla lekanya dikgahla tsa tswala le ditefiso tse ding tsa ditjehelele, tse tla sebetsa Akhaontong ya Karete ya hao nako le nako mme re bontshe sena setatementeng sa hao. Re tla ba le tokelo ya ho lefisa ditefiso tsa phumantsho ya tjehelele ka sekgahla se hodimodimo se dumeletsweng sa selemo le selemo sa ditefello tsa phumantsho ya tjehelele nako le nako.

11.2 Sekgahla sa tswala se lefisiwang balanseng ya Morero o Potolohang le balanseng ya Morero wa Bajete wa hao ("sekgahla sa hao") ke sekgahla se fetofetohang, se lekannwang ha sekoloto se fanwe. Dipheho sekgahleng sa hao di hoketswe ho FGRR. Re na le tokelo ya ho eketsa, ho fokotsa kapa ho tswelletsisa sekgahla sa hao ka boikgethelo ba rona. Dipheho sekgahleng sa hao le/kapa kamanong e tsitsitseng ho FGRR di tla phatlalatswa nakong ya matsatsi a 30 (mashome a mararo) pele ho nako ka tsebiso setatementeng sa hao sa kgwedi le kgwedi. Ho ipapisitse le se boletsweng ka hodimo mona, dipheho ho FGRR ka hona di baka dikeketso sekgahleng sa hao kamanong e tsitsitseng le FGRR.

11.3 Tswala hodima bobedi Morero o Potolohang le Morero wa Bajete e tla sebetsa letsatsi le letsatsi mme e matahannngwe kgwedi le kgwedi, ka letsatsi le

behilweng la instolemente, ho fihlela ka letsatsi la tefo. Tswala ena jwale e kopannngwa balanseng ya hao e setseng ya kgwedi le kgwedi.

11.4 Haeba o iphumana o saletse morao ka ditefello morerong wa hao wa Bajete, tswala ya tlatssetso hodima tjehelele e saletsweng morao Akhaontong ya hao ka sekgahla se lekanang e a lefiswa hodima sekoloto sa sehlooho. Haeba o lefa ka debite otara, tswala ena e lefisiwang ditefello tse saletsweng morao e tla bokeletswa kgwedi le kgwedi ka debite otara.

11.5 Haeba o kgetha ho reka ka ho sebedisa Morero o Potolohang wa hao wa dikgwedi tse 6 mme o lefa instolemente ka nngwe ya kgwedi e nngwe le le nngwe pele kapa ka letsatsi le behilweng bakeng sa instolemente eo jwalo ka ha ho bontshitswe disetatementeng, mme Akhaonto e kgema le dinako bakeng sa nako ya tefo, re ka nna ra kgetha ho se lefise tswala, jwalo ka ha ho dumellanwe, mabapi le dikgwebisano tse hlahang setatementeng bakeng sa nako eo.

Leha ho le jwalo haeba, o sa etse ditefello ka botlalo pele kapa ka letsatsi le bontshitsweng setatementeng, mabapi le tefo e jwalo ya kgwedi le kgwedi (Morerong o Potolohang wa dikgwedi tse 6), tswala e feletseng e tla lokela ho lefuwa mme e tlamehe ho lefuwe jwalo ka ha ho halositswe mme ho dumellanwe.

11.6 Haeba re etsa qeto ya ho se lefise tswala, sena ha se bolele hore re nyahladitse tokelo ya rona ya ho lefisa tswala mme re sa na le ditokelo tsa rona tsa ho lefisa tswala ka nako efe kapa efe.

12. Ditjeho tsa Molao le tse Ding

12.1 Haeba Akhaonto ya hao e salla morao:

12.1.1 o tla lefiswa ditjeho tse mabapi le tshebetso ya pokeletso ya sekoloto ho konyeletswe tefiso bekeng sa ngollano efe kapa efe le mehala eo o e etseditsweng kgwedi e nngwe le e nngwe ho o tsebisa hore Akhaonto ya hao e saletse morao; mme

12.1.2 tlhahisoleseding ya ho salla morao e tla romelwa ho dibiro tsa ditaleho tsa sekoloto mme sena se ka ama bokgoni ba hao ba ho fumana sekoloto; mme

12.1.3 re ka fanyeha Phumantsho ya hao ya Sekoloto le ho o fa matsatsi a 10 a tsebiso ya ho kwala Akhaonto ya hao, mme haeba re kwala Akhaonto, o tla hlokwa ho lefa Akhaonto ka botlalo; mme

12.1.4 Akhaonto ya hao e ka nehelanwa lekananeng la pokeletso ya dikoloto bakeng sa ho bokeletsa tjehelele e saletsweng morao mme o tla lefiswa ditjeho tsena.

12.2 Haeba re lokela ho o qosa lekgotleng la molao (nehelano ya dingollano tsa molao), o tla jara boikabello bakeng sa ditjeho tsohle tsa molao, tse tla konyeletswe empa e seng feela:

12.2.1 ditjeho tsa molao ka se bitswang "sekala sa mmuelli le tlaente" (ke ho bolela

ditshenyehelo tsohle tse baketsweng mmuelli eo re mo batlileng, ho konyeletswe ditjeho tsohle tsa moadvokate ofe kapa ofe ya ka sebedisanang le yena, jwalo ka ha taolo e bolela, le tjeho ya ditshebelelo tsa seprofeshenale tse fanweng ke mmuelli eo ho rona);

12.2.2 ditefello tsa pokeletso le ditefiso tsa ho batlana le wena;

12.2.3 ditempe tsa pokeletso ya lekgetho le ditefiso tsa moromuwa wa lekgotla;

12.2.4 Value-added tax (VAT) hodima tsena, e ka re tlamang ha re fumana kapa re leka ho fumana ditjehelele tseo o re kolotang tsona; mme

12.2.5 ditjeho tsena di tla lefiswa Akhaontong ya hao.

12.3 Kahlolo jwalo ka ha e ka etswa kgahlanong le wena.

12.4 Re ke ke ra leka ho bokeletsa ditjeho dife kapa dife tse tlotseng moedi wa ditjeho o boletsweng Molaong.

13. Setifikeiti sa Sekoloto

Setifikeiti se saennweng ke mang kapa mang wa baokamedi ba rona (eo ho thongwa ha hae le matla a hae di sa tlo hloka bopaki) seo tjehelele eo o re kolotang yona le sekgahla sa tswala se amehang Akhaontong ya hao ya Karete di boletsweng ho sona, se tla amohelwa e le bopaki bo feletseng ba hore o a re kolota kgatong efe kapa fe ya molao mme se tla nkuwa se nepahetse ntle le haeba o ka fana ka bopaki ba hore sekgahla sa tswala se fosahetse, ho ipapisitse le Molao.

14. Tumelo ya Matla a Lekgotla

Ho latela karolo ya 45 ya Molao wa Makgotla a Maseterata, 32 wa 1944, mona o dumela hore re ka etsa diposo tsa molao tse mabapi le Tumellano ena kapa Akhaonto ya hao, Lekgotleng la Maseterata, e leng lekgotla lefe kapa lefe la maseterata le nang le matla a boahlodi hodima hao, ho latela karolo ya 28 ya Molao wa Makgotla a Bomaseterata. Leha ho le jwalo re ka kgetha ho nka dikgato tsa molao kgahlanong le wena lekgotleng lefe kapa lefe le nang le matla a boahlodi.

15. Ho nyahlatsa ditokelo

Haeba ka lebaka kapa morero ofe kapa re sa phethise kapa re sa kenyse tshebetso tokelo efe kapa efe ya rona ho latela Tumellano, sena ha se bolele hore re tlhohetse, re inehetse kapa re nyahladitse dife kapa dife ditokelong tseo.

16. Tefiso ya Ditjeho

Re ka lefisa le ho debita Akhaonto ya hao ditefello tse ding jwalo kaha re ka lekanya mme ditefello le ditefiso tse jwalo ho latela ka moo di boletsweng Molaong le dilevi le makgetho.

17. Tlhahisoleseding ya hao bowena le ya sephiri

17.1 Tumellanong ena, tlhahisoleseding ya bowena e bolela:

17.1.1 tlhahisoleseding eo o re fang yona kapa eo re se ntse re na le yona mabapi le wena, eo re ka e rekotang, ho konyeletswe nomoro efe kapa efe ya founu eo o re letsetsang ho tswa ho yona;

17.1.2 tlhahisoleseding eo re e amohelang ho tswa dipotsong tseo re di etsang hore re etse qeto mabapi le kopo ya hao kapa Tumellanong ho konyeletswe tlhahisoleseding eo re e fumanang ho tswa dipatlisong tseo re di entseng lebetsong la hao ho biro efe kapa efe ya dikoloto;

17.1.3 tlhahisoleseding e mabapi le Akhaonto kapa pholisi ya bophelo ya sekoloto kapa inshorene ya sekoloto eo o nang le yona ho rona kapa ka rona; le

17.1.4 tlhahisoleseding eo re e fumanang ho tswa ho mang kapa mang ya dumeletsweng ho re fa tlhahisoleseding e mabapi le kopo ya hao, kapa Akhaonto, kapa pholisi ya bophelo ya sekoloto kapa inshorene ya sekoloto.

17.2 Re tla boloka tlhahisoleseding ya bowena feela bakeng sa bolelele ba nako eo re e hlokang ka molao.

17.3 O amohela le ho dumela hore re ka sebetsa, ra rekota le ho hlalisa tlhahisoleseding ya bowena, ho konyeletswe dintlha tse mabapi le dikgwebisano tsa hao, ho:

17.3.1 etsa dipatlisiso ho dibiro tsa dikoloto, direferense tsa sekoloto le direkotang tsa makalana a thibelo ya boqhekanyetsi hore re kgone ho laola Akhaonto ya hao ho rona le hore re kgone ho etsa diqeto tse mabapi le sekoloto sa hao ho rona, ho konyeletswe hore na re ka o fumantsha sekoloto kapa ra tswela pele kapa ra atolosa sekoloto se teng sa hao; 17.3.2 lekanya kopo efe kapa efe ya sekoloto bakeng sa ditshebelelo dife kapa dife tse ding tsa ditjehelele tseo wena kapa setho se seng sa lelapa la hao se di etsang (ka nako e nngwe re ka sebedisa phano ya dintlha tsa sekoloto ya tlwaelo kapa sistimi e nngwe e itshebetsang ya ho etsa qeto bakeng sa ho etsa sena);

17.3.3 laola Akhaonto ya hao le ho etsa diqeto tse mabapi le kopo, tumellano eo o ka bang le yona le rona;

17.3.4 phethahatsa, ho disa le ho lekanya kgwebo ya rona;

17.3.5 ikopanya le wena ka poso, ka founu kapa ka tsela efe kapa efe e nngwe mabapi le dihlalishwa le ditshebelelo tseo re nahanang hore o ka ba le kgahleho ho tsona ntle le haeba o kgetha ho se amohela dipheho tseo; le

17.3.6 ho ikamahanya le melao le melawana efe kapa efe.

17.4 O amohela le ho dumela hore re ka hlalisa tlhahisoleseding ya bowena ho:

17.4.1 motho mang kapa mang ya re sebelelang;
17.4.2 haeba o hlophisa inshoreline ho rona, ho mofani wa inshoreline;
17.4.3 mokgatlo ofe kapa ofe o tiisetsang ditjhelete kapa o tshelohang dihlahiswa dife kapa dife tsa rona tseo o nang le tsona;
17.4.4 sistimi efe kapa efe ya tefo eo ka yona kapa tlasa yona Akhaonto ya hao e lefuwang;
17.4.5 motho mang kapa mang eo re fetisetsang ditokelo kapa maitlamo afe kapa afe a rona tlasa Tumellano ena;
17.4.6 pokeletso efe kapa efe ya lekalana la batho ba ka thoko kapa mmuelli ya kgethilweng ho bokeletsa ditjhelete tseo o re kolotang tsona; le
17.4.7 mang kapa mang eo o re dumeletseng ho fana ka tlhahisoleseding ya bowena ho yena.

17.5 Re ka fetisa, ra fana ka laesense kapa ra dumella tshelohang ya lesedi kapa tlhahisoleseding efe kapa efe ya bowena ho fihlela moo molao o dumellang.

18. Tlhahisoleseding ya sekoloto sa bareki le dibiro tsa dikoloto

18.1 O dumela hore re ka:

18.1.1 etsa dipotso ho netefatsa tlhahisoleseding efe kapa efe e fanweng kopong ya hao kapa ka nako efe kapa efe ya Tumellano ena;
18.1.2 romela ho biro efe kapa efe ya dikoloto, bathong ba ka thoko (bao o nang le dikamano tsa ditjhelete le bona ka nako efe kapa efe), tlhahisoleseding efe kapa efe e mabapi le kapa e bolokilweng kapa e fanweng ho rona ke wena ka kopo ya hao, mabapi le kopo ya hao, pulo le ho kwalwa ha Tumellano ena;
18.1.3 batla, netefatsa le ho amohela tlhahisoleseding ho tswa ho biro efe kapa efe ya dikoloto kapa batho ba ka thoko (bao o nang le dikamano tsa ditjhelete le bona ka nako efe kapa efe) ha re lekanya kopo ya hao kapa tshwaneleho ya hao bakeng sa sekoloto, le hape ka nako efe kapa efe bophelong ba Akhaontong ya hao;

18.1.4 fana, hlahisa le ho ngodisa boteng ba Tumellano ena le tlhahisoleseding efe kapa efe ya bowena, le dintlha tse mabapi le tsona, ho biro efe kapa efe ya dikoloto kapa motho ya ka thoko (eo o nang le dikamano tsa ditjhelete le yena ka nako efe kapa efe) ho arolelana tlhahisoleseding e ntle le e mpe mabapi le akhaonto ya hao, ho kenyeliswa ho se ikamahanye hofe kapa hofe le ditlhoko le dipehelo tsa Tumellano ena.

18.2 O ananela hore o utlwisisa hore biro ya dikoloto e tla re fa tlhahisoleseding ya kemo ya dikoloto, le dintlha tsa dikoloto tse bontshang tshwaneleho ya hao ho tsa dikoloto.

18.3 Ho ipapisitse le dipehelo tsa Molao, re tla ba le tokelo ya ho fumana le ho hlahisa tlhahisoleseding e ka hodimo mona –

18.3.1 haeba re nahana hore ho a hlokeha kapa ho ka ba molemo ho wena;
18.3.2 moo re tlamehang ka molao ho etsa jwalo;
18.3.3 moo ho leng molemong wa setjhaba ho etsa jwalo; kapa
18.3.4 moo ditabatabelo tsa rona di hlokaneng sena.

18.4 O dumetse hore tlhahisoleseding ya bowena e fanweng ke wena ha o etsa kopo ya hao kapa o kena Tumellanong ena le rona, e ka sebediswa ke rona ka mabaka a utlwahalang bakeng sa merero ya tlatsitso e hlompang sebopelo sa kgwebo ya rona mmoho le bakeng sa merero ya tsa mebaraka le e amanang le yona. Haeba o sa batle hore re sebedise tlhahisoleseding ya hao bakeng sa morero ona, o tlameha ho re tsebisa ka mongolo kapa ka founu hore kgetho ya hao e rekotwe mme kamora moo e tiiswe ka mongolo.

18.5 O tiisa hore tlhahisoleseding eo o tla re fa yona kapa eo o re fileng yona ke nnete, e a nepisisa, mme e nepahetse le ho fella

18.6 O nyahlatsa ditokelo kapa ditheleime dife kapa dife tseo o ka bang le tsona kgahlanong le rona mabapi le phano ya tlhahisoleseding e etswang ke rona kapa e fanwang ho rona ho latela Tumellano ena.

18.7 Re tla o fa tsebiso ya mongolo matsatsi a 20 pele re romela tlhahisoleseding efe kapa efe ya ho sala morao ka ditheleime e mabapi le wena ho biro ya ditheleime.

18.8 O na le tokelo ya ho hanyetsa tlhahisoleseding e bontshitsweng ho biro ya dikoloto. O na le tokelo ya ho ikopanya le dibiro tsa dikoloto, ho fuwa (di)rekoto tsa hao tsa dikoloto le hore tlhahisoleseding e fosahetseng e lokiswe.

18.9 Dintlha tsa boikopanyo tsa biro ya dikoloto:

TransUnion e ka fumaneha ho:
Trans Union Credit Bureau
Wanderers Office Park, 52 Corlett Drive, Illovo
P O Box 4522, Johannesburg, 2000
Founu: (011) 214 6000

19. Ho lokollela Dibiro tsa Dikoloto le Makalana tlhahisoleseding

19.1 O amohela le ho dumela hore re ka lokolla tlhahisoleseding e itseng ya bowena ho dibiro tsa dikoloto ha re fuputsa direktoto tsa bona mabapi le wena. Ba tla rekota dintlha tsa dipatlisiso tsa rona.

Hape re tla lokolla tlhahisoleseding e mabapi le Akhatonto efe kapa efe eo o nang le yona ho rona, ho kenyeliswa tlhahisoleseding e mabapi le ditheleime tse o tlotseng.

Tlhahisoleseding e tshwerweng ke bona e ka hokelwa ho batho ba bang bao o nang le kamano ya tsa ditjhelete le bona. Haeba o re fa tlhahisoleseding e sa nepahalang kapa re

belaela boqhekanyetsi, re tla ba jwetsa ka sena.

19.2 Dibiro tsa dikoloto di tla arolelana ka dintlha tsa dipatlisiso le tlhahisoleseding ka Akhaonto le rona le mekgatlo e meng hore mekgatlo ena e ka:

19.2.1 lekanya dikopo tsa dikoloto le ditshelohang tse amanang, le ho laola diakhaonto tseo wena kapa ditho tsa lelapa la hao di ka bang le tsona;

19.2.2 hlahloba boitsebiso ba hao ho thibela tlhatsuo ya ditjhelete tse fumanweng ka ditlolo tsa molao (e leng se bolelang ha ditjhelete e fetiswa ka diakhaonto hore mohlodi wa yona o se ke wa fumanwa);

19.2.3 thibela, fumana le ho qosa boqhekanyetsi le ditlolo tse ding tsa molao; le

19.2.4 ho lata le ho sala morao dikoloto.

19.3 Dibiro tsa dikoloto di tla arolelana direktoto ho thusa rona le ba bang ho etsa diqeto tsa ditlhahiso bakeng sa, le ditheleime kgahlanong le inshoreline bakeng sa hao (le ditho tsa ba lelapa la hao).

19.4 Dibiro tsa dikoloto di tla sebedisa tlhahisoleseding ya bowena bakeng manollo ya dipalopalo e mabapi le sekoloto le boqhekanyetsi bo bong.

19.5 Haeba ho etsahala hore re fetisetse Akhaonto lekalane la ba pokeletso ya dikoloto kapa ho mmuelli wa molao bakeng sa pokeletso ya sekoloto kapa kgato ya molao, o amohela le ho dumela hore re tla lokolla tlhahisoleseding e itseng ya bowena ho bona.

20. Tse akaretsang

20.1 Re ka disa le ho rekota mehala yohle le dikgokahano tse etswang le wena.

20.2 O tiisa hore ditlhoko le dipehelo, moelelo le ditlamorao tsa Tumellano ena o di filwe le ho di hlaloseletsa ka puo eo o e utlwisang . Dikotsi tse mabapi le Tumellano ena, mmoho le ditokelo le ditlameho tsa hao le tsona o di hlaloseditswe.

20.3 Haeba o batla ho amohela dikhopi tsa ditokomane tse mabapi le Akhaonto ya hao, o tlameha ho re tsebisa ka mokgwa oo o batlang hore di nehlanwe ho wena ka wona, (ha feela re ena le bokgoni ba ho phethahatsa nehelano eo o e kgethang). Maemong a itseng, re ka ba le tokelo ya ho o lefisa bakeng sa dikhopi tse jwalo.

20.4 Re ka sielana ka molao, ra romelela kapa ra fetisetsa ditokelo kapa ditlameho dife kapa dife tsa rona tlasa tumellano ena kapa ra hlophisetsa hore motho ofe kapa ofe e mong ho phethahatsa ditokelo le ditlameho tsa rona tlasa Tumellano ena ntle le tumelo ya hao le ntle le ho o tsebisa.

20.5 Ha re na ho jara boikarabello bakeng sa letho le kantle ho taolo ya rona e utlwahalang (ho etsa mohlala, ho hloleha ho sebetsa ha disistimi tsa dikhomphuta, kapa ho kgaoha ha motlakase ho etsahalang ka mabaka a kantle

ho taolo e utlwahalang ya rona) kapa ka lebaka la mehato ya boitseko ya basebetsi, kapa merusu ya sepolotiki, ntwana, haeba sena se re thibela hore re ka fana ka tshebeletso e tlwaelihlang ya rona.

20.6 Re ke ke ra jara boikarabello mabapi le tahlehelo kapa tshenyho e o hlahetseng kapa e hlahetseng motho ya ka thoko mabapi le kopo ya sekoloto kapa Tumellano ena.

20.7 Re ka diehisa ho phethahatsa ditokelo tsa rona tlasa Tumellano ena ntle le hore di re lahlehele.

20.8 Haeba re sa kgone ho phethahatsa pehelo efe kapa efe tlasa Tumello ena, sena se ke ke sa ama dipehelo tse ding Tumellanong ena.

20.9 E le hore se be le matla le ho tlama, mme ntle le haeba sehlophiso se jwalo se entswe ho latela Molao ona, diphelelo dife kapa dife Tumellanong ena di tlameha ho ba ka tsela e nngwe dipakeng tsa:

20.9.1 ho rekotwa ke rona ka mohala le kamora moo ho tiiswa ke rona ka mongolo;

20.9.2 kapa e tlameha ho ba ka mongolo.

20.10 Ka ho ipapisa le 2.3, leha ho le jwalo, ka nako efe kapa efe, re ka hlomathisa kapa ra tlosa ditlhoko le dipehelo tsena ka tse ding mme haeba re etsa jwalo, sena ha se bolele hore re senya Tumellano ena kapa kgwebisano kapa ho kolotwa (ho bolelang hore tumellano e ntjha ha e kene madulong ka ho iketsa).

20.11 O na le tokelo ya ho rarolla tletlebo ka tsela ya tharollo e nngwe dikgohlano.

20.12 O ka tiisa ditlletlebo ho Molaodi wa Dikoloto wa Naha (nomoro ya boikopanyo ke 0860 627 627) kapa wa etsa kopo ho Lekgotla la Naha la Dikoloto.

20.13 O na le tokelo ya ho etsa kopo ho moeletsu wa dikoloto bakeng sa tlhahlobobotjha ya sekoloto kapa ho phatlalatswa o imetswe ke dikoloto.

Mabapi le sena, Molaodi wa Dikoloto wa Naha a ka botswa bakeng sa dintlha tse mabapi le moeletsu wa dikoloto nomorong ya boikopanyo ya 0860 627 627.

20.14 Khoteishene ya tumellano ya sethathong le ditsebiso tsa phatlalatswa, tumellano e kenyeletsang ditlhoko le dipehelo, di theha tumellano e feletseng dipakeng tsa hao le rona mabapi le Phumantsho ya hao ya Sekoloto le Akhaonto, tse laolang le ho tolakwa ho latela melao ya Afrika Borwa.